



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illustrium Virorum Poemata

Amstelodami, 1672

Ad Nicolaum Heinsium, & Lucam Langermannum, Româ Florentiam
discedentes, An. M.DC.LII. 3. Kal. Julii.

urn:nbn:de:hbz:466:1-11215

A D

NICOLAUM HEINSIUM,

*& Lucam Langermannum, Rómâ Flörentiam
discendentes, An. M. DC. LII. 3. Kal. Julii.*

Nobile par Juvenum, soboles præclara parentum,
Candida Thesei biga sodalitii;
Quàm lætus fuit ille dies, quàm risit amico
Lumine, vos primus quô mihi jtnxit amor!
Quô tres una domus cepit, facilesque Camcenæ
Jusserunt Charitum nectere lege manus.
Ille dies rerum dominam mihi cernere Romam,
Et quicquid priscæ rudera laudis habent;
Ille Quirinales accedere Principis arces,
Chistadæ Musis præsidioque frui;
Ille dedit Latiaæ mirari flumina Suadæ,
Ille dedit vestræ carmina mentis opus.
Langermanne, tibi totas indulxit Athenas
Græcia, delicias & tibi Roma suas;
Et quicquid Venerum formoso vertice Pindus
Possidet, ac sacris Cyrrha propinat aquis.
At Te, quid patrii ditissime numinis heres,
Heinsiade, Batavi gloria magna soli,
Quid dicam numerosa tuas in carmina vires?
Quid celebrem Clario pectora foeta Deo?
Niliacus rugas jam toto corpore Vates
Exuit, & calamo barbara menda tuo.
Jam quoque Pelignus tenerorum lusor amorum;
Ut niteat, similem sperat & optat opem.

Jam Suebnum laudata favet Christina Poëtæ,
Aönii columnen deliciumque chori.
Se minor illa tibi septem diadema Trionum
Inclinat, plectris & sua sceptræ tuis.
Maxima Gustavi si tanti filia Regis
Te facit, ac citharæ vis rapit illa Deas;
Heinsiade nostros mirari define plausus,
Et, mea quos dicitat Calliopeia, modos.
Te mihi notus amor Phœbi, te gratia fandi
Conciliat, magni quod Pâtris instar habes;
Non ut amare tuæ non possim mentis acumen,
Et cultum variis artibus ingenium.
Sed quid amo? fortuna diu vetat esse beatum;
Et, quæ prima dedit gaudia, prima necat.
En prius optato coalescere cœperat usu
Noster amor, nostri Maius amoris erat;
Cùm fugitis, dilecta cohors, cùm verna voluptas
Omnis, & in primo spes mihi flore perit.
Et tot delicias, & tot rapit una lepôres
Hora nimis studiis infidiosa meis.
Ergo nec antiquo Tarpeia cacumine rupes
Ardua, nec reliquis tot monumenta jugis;
Nec vos Roma recens, nec quæ nova surgit in altum
Pyramis, & largas ejaculatur aquas;
Nec præceps Anio, nec amœni Tiburis horti,
Tuscula blanditiis nec tenet aura suis?
Nec tot amicorum lacrimæ, Vatumque querelæ;
Nec tot propositum vota morantur iter?
Ah fortunato nimiū Florentia cælo
Vos trahit, & Tuscis allicit Arnus aquis!
Scilicet illa viæ fastidia vincit & auræ;
Et desiderio mitigat astra sui:

Q 4

Nec

Nec patitur valuisse preces , nec amica dolentum
Signa , nec humentes pondus habere genas.

Ah precor , & Superi saltem pia vota secundent !

Quando meas surdâ temnitis aure preces.

Auspiciis , precor , ite bonis , & numine dextro

Per juga , Flaminia per loca plana viâ :

Sic precor , & vobis volucer Cyllelius adsit ,

Et melius virgâ , vel pede signet iter.

Sic Apennini subsidunt culmina montis;

Aut tollat Vates Pegasis ala duos.

Sic precor : umbrosæ veniant ad tempora lauri,

Frondibus & calidos frangat oliva dies ;

Et Zephyrus blandis permulceat ora fusurris,

Et levis intonsas ventilet aura comas :

Et Satyri ludis , & euntibus obvia plaudat

Naïadum pulchris juncta Napæa choris :

Sic precor ; incolumes patriæ Florentia tandem

Reddat , & oblitos non velit esse mei.

ALEXANDRO VII

PONT. OPT. MAX.

*Villam Barberinam , Domitiani olim Cesarii Al
banum, ubi quotannis Quinquatria fiebant
Minervæ, animi causâ invisiensi, anno
M. DC. LVII. Idib. Maii.*

HIC ubi porticibus se Flavia villa superbis
Æquabat summis ardua sideribus;
Et nemus hinc , Scythicæ non mitia regna Diana;
Illinc Tyrrhenas prospiciebat aquas :